

JAKOBONÊ papia

Jakobonê papia nec ñac tau gêjac lau buña nêñ kôm to nêñ lêñ ñagôlin gwalêkin sa. En keto bin tau gêjac gôlôac tapaôngeñ ñawae kêtôm en awa gêjac Anôtônê lau, tañ sêng ñ kêsî-k sigen anga nom ñagamêñ samob nañ. Ñac-ketowaga gebe epen lau buña nêñ kauc lasê êpi nêñ ñalêlôm to nêñ lêñ, tañ gêjac êsêac ñawae nañ, tec kêwaka nê ñagôlin sa keto ñalô totau-totau gêjam dani ma keto bingôlin to ñadônđôn gêwiñ-gêwiñ e ñam gêc awê ñjam. Lau buña nêñ ñagôlin tonañ kêkwa bin tonec ñai gebe lau tolêlôm to lau ñalêlôm sawa ma lêtôm to lêñ mansañ ma tatu kasec to takêñ êwiñ ma dangôm ñanô êsana to tajop imbelen ma mêtê tokauc to binjalom ma tenbelen aêgen to dambu tauñña ma tatoc tauñ sa to daê bin tôn ma tapuc tauñ tônña to taten mec.

Jakobo keto papia tonec kêkac lau buña ñajanagen gebe dangôm Mêtê ñanô êsa, ec dawa nêñ takêñ gêwiñ sa ña nêñ lêñ to nêñ kolen ênêc awê êndên lau sêlic êpi matenânô.

Nadênan

1. Gêjac m nê papia 1:1
2. Takêñ gêwiñ to tajala binña 1:2-8
3. Lau ñalêlôm sawa to lau tolêlôm 1:9-11
4. Saê to lêtôm 1:12-18
5. Tañô mêtê ma gacgen dangôm ñanô êsa 1:19-27
6. Tapuc lau ñam atom 2:1-13
7. Takêñ gêwiñ gêjac ñakolen ñawae 2:14-26
8. Tajop imbelen ñapepña 3:1-18

9. Tajop taun êndên maten katu gên nomñaña
4:1–5:6
10. Njagôlin toê-toê njagêdô 5:7-20

Jakobo awa gêjac lau

¹ Anôtô agêc Apômtau Jesu Kilisi nêñ sakinwaga aê, Jakobo, aoc gêjac gôlôac 12, tañ sêngôn kêsikêsi-geñ anga nom njagamên samob nañ.

Bin kêpi takên gêwiñ to tajala binja

² O ñoc lasitêwaac, Iêtôm tokain tokain embe êtap amac sa, go alic amboac gên têtac njam ña teñ. ³ Amac ajalagac gebe gên, tañ kêsâê amacnêm akên gêwiñ nañ, gêgôm amac aôc gêñwapac totêtac kêpa sugen. ⁴ Aôc gêñwapac totêtac kêpa sugen tau ênam ñanô amboac tonec gebe ênac dabin amac e atu kwalam lanjwa ma apô lêna gên teñ atom, ⁵ mago amacnêm teñ embe êpô lêna kauc mêtêña, nañ eteñ êndên Anôtô ma êkên êndên en, gebe Anôtô kêkên gên gêdên lau samob totêtac wapômgeñ ma kégamin teñ atom. ⁶ Mago ñac tau eteñ toêkên êwiñgeñ, eteñ totêtac lulu atom, gebe ñac-têtac-luluwaga kêtôm gwêc ñadembom, tañ mu gêli sa e ñakoton-koton kêsâ nañ. ⁷ Ñac amboac tonañ taê êka gebe êkôc gên teñ anga Apômtaunê atom. ⁸ En ñac ñalêlôm-gêja-luwaga ma kêsâ nê lêñ samob lulusawa.

Lau ñalêlôm sawa to lau tolêlôm

⁹ Lasimi ñalêlôm sawa êlanem tau gebe Anôtô ketoc en sa. ¹⁰ Ma ñac tolêlôm êlanem tau êtu Anôtô kêkônin enña, gebe en oc ênaña êtôm gêgwan ñaola. ¹¹ Oc kêpi tonjandan geñ ma kêsêgô gêgwan e ñaola

kêsêlô ma talic ñakatu masi. Ñac tolêlôm amboac tonañ. Enj ênaña anğa nê kôm ñalunğen.

Saê to letôm

¹² Aê aoc êôc ñac, tañ gêôc saê totêtac kêpa sugen. Enj êwaka tau sa su acgom, go êkôc êngôn mata jali ñasunsun, tañ Anôtô gêjac mata gêdênj lau-têntac-gêwiñ-enwaga nanj. ¹³ Ñac tenj embe lêtôm êtap enj sa, nanj êsôm gebe “Lêtôm tonec anğa Anôtônê” nec atom. Sec kêtôm gebe êlêtôm Anôtô atom. Ma Anôtô tau kêtôm ñamalac tenj atom. ¹⁴ Lêtôm ñam kêsêp ñamalac tau nê têtac kalac, tañ kêkac to kêtôm enj nanj. ¹⁵ Têtac kalac embe taê, go êsu ñalatu sec. Sec tau embe ênac dabiñ tau su, go êsu ñalatu gêmacanô.

¹⁶ O ñoc lasitêwaace, êkêli taôm atom. ¹⁷ Gêñ ñajam samob, tañ sêkênj gêdênj amac to gêñ ñanô samob, tañ atap sa nanj, gêmênj anğa lólôc. Gêñ tau kêsêp gêmênj anğa ñawê ñataunê. Enj gêjam tau ôkwi atom ma enj gêjam kanuc atom amboac tonanğen. ¹⁸ Enj taê gêjam kêtû tôñ, tec kêkênj nê biññanô kêka aêac lasê gebe tatu gêñ samob, tañ enj kêkênj nanj ñañamata.

Tañô mêtê to dangôm ñanô êsa

¹⁹ O ñoc lasitêwaace, taêm ênam biñ tonec gebe ñamalac samob sênjô biñ ñagaôgenj acgom, ma sêsôm biñ malô-malôgenj to têtac ñandanj sebenj-sebenj atom amboac tonanğen, ²⁰ gebe ñamalacnênj têtac ñandanj gêjam Anôtônê biñgêdênj sa atom. ²¹ Amboac tonañ akac ñatêmui to sec totau-totau su ma akôc mêtê, tañ Anôtô kêsê kêsêp amacnêm ñalêlôm nanj sa. Mêtê tonañ kêtôm gebe ênam amac katôm kêsi, tec akôc sa tonêm ñalêlôm malôgenj.

²² Embe anô mêtê ñaômagen, oc ansau taôm, anğôm mêtê tau ñanô êsa acgom. ²³ Ñac tenj embe êñô mêtê ñaômagen ma êñğôm ñanô êsa atom, nanj êtôm ñac, tanj kêsala lanđanô kêsêp tasalakatu nanj. ²⁴ Enj kêsala tau su, go gec gêja ma kêlinj lanđanô ñakatu sinj sebenj. ²⁵ Mago ñac, tanj êtuc kêniñ êsêp binjsu ñanô tau, tanj kêgaboac aêac su nanj, ma êsô ñalabu êmoa to êñô binj e êlinj sinj êtiam atom, êñğôm ñanô êsa nanj, Anôtô oc ênam mec ênê kôm samob.

²⁶ Ñac tenj embe taê ênam gebe ênam sakinj Anôtô, mago ênam gôlinj imbêla atom, oc ênsau tau ma nê sakinj Anôtôña êtu gêñ ñaôma. ²⁷ Sakinj ñawa to mansanj, tanj Tamenj Anôtô gêlic gêjac mataanô ñajam nanj tonec gebe tanac mosêbu to awêtuc, tanj sêmoa jageo nanj, kêsi to tanğaminj tauñ êndêñ genj ñatêmui nomña.

2

Tapuc lau ñam atom

¹ O ñoc lasitêwaac, amac akêñ gêwinj aêacnêñ ñawasi Ñatau Jesu Kilisi, tec apuc lau ñam atom, alic samob têtôm tauñgenj. ² Ñac tenj togêlôn gold ma tonjakwê ñawasi embe naêsô nêma akac sanja êna, ma ñac ñalêlôm sawa tenj tonjakwê kômña embe êsô êna amboac tonañ, ³ ma amac matem êndinj ñac tonjakwê ñawasi e asôm gebe Ôñğôn lêpôn ñajam tonec,” ma asôm êndêñ ñac ñalêlôm sawa gebe “Naôkô ônê” me “mêñôñğôn masac êsi ockainja,” ⁴ embe anğôm amboac tonañ, oc awa lau êkôc atom me. Ma atu mêtôcwaga, tanj taênj gêjam binj keso nanj atom me.

⁵ O ñoc lasitêwaace, aṅô acgom. Anôtô kêjalij êsêac, taṅ lau nomṅa sêlic amboac lau ṅalêlôm sawa naṅ sa, gebe têtû lau tolêlôm sêkêṅ gêwiṅṅa ma sêwê kainṅ gamêṅ, taṅ eṅ gêjac mata gêdêṅ lau-têntac-gêwiṅ-eṅwaga naṅ. ⁶ Ma amac abu ṅac ṅalêlôm sawa. Asa lau sêkôniṅ amac. Asa lau sê amac jaakô mêtôcwaga laṅṅnêṅṅa. Lau tolêlôm goc. ⁷ Lau tonañ sêsôm biṅ alôb-alôb kêpi ṅaê ṅajam, taṅ Anôtô kêkêṅ gêdêṅ amac naṅ.

⁸ Amac embe aṅgôm biṅsu, taṅ aêacnêṅ Kiṅ kêkêṅ gêdêṅ aêac kêtôm teto gêc naṅ, ṅanô êsa, go ṅajam. Biṅsu tau tonec gebe “Têmtac êwiṅ lau wachañ aôm amboac têmtac gêwiṅ taôm.” ⁹ Mago amac embe apuc lau ṅam, go aṅgôm sec ma biṅsu êmêtôc amac amboac lau-sêgêli-biṅsuwaga. ¹⁰ ṅac taṅ kêmasañ biṅsu samob, mago kêgêli tagenṅeṅ naṅ, kêtôm gêgôm samob popoc. ¹¹ ṅac taṅ kêsôm gebe “Ôṅgôm gêṅ mockainṅo to mockainṅa atom” naṅ, kêsôm teṅ gêwiṅ gebe “Ôṅac ṅamalac êndu atom.” Ma aôm embe ôṅgôm mockainṅ atom, mago embe ôṅac ṅamalac êndu, naṅ kôgêli biṅsugac. ¹² Amboac tonañ asôm nêṅ biṅ to aṅgôm nêṅ gêṅ atôm lau, taṅ Anôtô oc êmêtôc êsêac êndaṅguc biṅsu, taṅ kêgaboac êsêac su naṅ. ¹³ Ma êndêṅ mêtôc tonañ Anôtô taê walô êsêac, taṅ taêṅ walô lau atom naṅ atomanô. Mago ṅac, taṅ taê walô lau naṅ, oc êtêc mêtôc tonañ atom.

Takêṅ êwiṅ to ṅakoleṅ ṅabinṅ

¹⁴ O ñoc lasitêwaac, ṅac teṅ embe ôsôm gebe “Aê kakêṅ gawij,” mago eṅ ṅac koleṅ atom, oc ênam eṅ sa amboac ondod. Ênê kêkêṅ gêwiṅ oc ênam eṅ kêsi me masi. ¹⁵ Embe lasimi me lasimio teṅ nêṅ

ņakwê masi me sêpô lêna mo kêtôm bêcgeņņa ¹⁶ ma amacnêm teņ embe êsôm êndêņ êsêac gebe “Ana tobiņmalôgeņ, asô nêm ñakwê sa êjandaņ amac to aniņ nêm gêņ,” mago akêņ gêņ êôc êsêac ôliņ tôņņa teņ êndêņ êsêac atom, oc ênam êsêac sa amboac ondoc. ¹⁷ Biņ takêņ gêwiņņa amboac tonañ. Embe takêņ êwiņ, mago tanam ñakoleņ êwiņ atom, oc takêņ gêwiņ tau êtu gêņ mêtê ñaôma.

¹⁸ Ma ñac teņ embe êsôm gebe “Aôm kôkêņ gêwiņ ma aê gajam koleņ,” go jasôm gebe “Ôtôc nêm kôkêņ gêwiņ, taņ ñakoleņ masi naņ, êndêņ aê, go aê jatôc ñoc koleņ, taņ êwaka ñoc kakêņ gêwiņ sa naņ, êndêņ aôm.” ¹⁹ Aôm kôkêņ gêwiņ gebe Anôtô tageņ tec gêmoa me. Ñajam. Mago ñalau sec sêkêņ gêwiņ biņ tonañ amboac tonañgeņ ma têtêc tauņ ñanô. ²⁰ O melocma, aôm gobe takêņ gêwiņ, taņ ñakoleņ masi naņ, gêņ ñanômêgoc. Aôm gobe aê jawa biņ tau ñam sa êndêņ aôm me. ²¹ Aêac abeņi Abraham amboac ondoc. Gêdêņ taņ eņ kêkêņ latu Isak kêtû da gêsac altar ñaô naņ, Anôtô gêlic eņ ñac gêdêņ kêtû ênê koleņ tonañņa. ²² Kec, aôm gôlicgac gebe eņ kêkêņ gêwiņ ma gêjam ñakoleņ ulu kêtômgeņ, tec sêjam tauņ sa, tec nê koleņ gêjac dabiņ nê kêkêņ gêwiņ su. ²³ Ma biņ, taņ teto gêc naņ, kêtû anô gebe “Abraham kêkêņ gêwiņ Anôtô, tec Anôtô gêlic eņ ñac gêdêņ” ma sêsam eņ gebe Anôtônê ñac. ²⁴ Kec, amac alicgac gebe ñamalac êtu ñac gêdêņ êtu nê koleņņa, êtu eņ kêkêņ gêwiņņa tageņ nec atom. ²⁵ Mockaiņo Rahab kêtôm tonañ. Eņ kêkôc kelenwaga sa ma kêkêņ êsêac sêsa intêna teņ sêja. Tec Anôtô gêlic eņ awê gêdêņ kêtû ênê koleņņa. ²⁶ Aêac ôliņ embe ñalau masi, oc êtu mêtê.

Ma aêacnêḡ takêḡ gêwiḡ embe ḡakolenḡ masi, oc êtu mêtê amboac tonanḡenḡ.

3

Binḡ kêpi imbelenḡ

¹ O ḡoc lasitêwaac, amacnêm taêsam têtû kêdônḡwaga atommanḡ. Alic acgom, aêac kêdônḡwaga oc atap mêtôc ḡajaḡa sa êlêlêc lau ḡagêdô nêḡ mêtôc su. ² Aêac samob dagôm keso elêmê. Tenḡ embe êsôm binḡ tenḡ eso atom, nanḡ enḡ ḡac kwalam lanḡwa tenḡoc ma êtôm gebe ênam gôlinḡ nê ôli samucḡenḡ ḡapeḡ amboac tonanḡ. ³ Aêac embe takêḡ gôlinḡ êsêḡ hos awenḡsunḡ gebe tanḡenḡ wamu aêac, go tanam gôlinḡ bôc tau ôlinḡ samucḡenḡ êwiḡ. ⁴ Alic wanḡ acgom. Gêḡ tau kapôêḡnanô ma mutêna gêḡgônḡ lac ḡajaḡa sec, mago ḡagôlinḡ saunḡ ec tenḡ gêḡjam gôlinḡ wanḡ tau kêtôm ḡac gôlinḡḡa taê gêḡjam. ⁵ Aêac imbelenḡ amboac tonanḡ. Ôlinḡ ḡagêḡḡlêlôm saunḡ tenḡ, mago kêlanem tau gêḡ kapôêḡḡa.

Alic acgom, ja ḡamôsi saunḡ tenḡ kêtôm gebe êkêḡ ja êniḡ oba kapôêḡ tenḡ. ⁶ Imbelenḡ kêtôm ja amboac tonanḡ, ḡenḡ geo gêḡjam imbelenḡ auc samucḡenḡ. Imbelenḡ tau ôlinḡ ḡagêḡḡielôm tenḡ, tanḡ gêḡgôm ôlinḡ samucḡenḡ ḡatêmui kêsa nanḡ. Lamboam ḡakêlêndinḡ tau ḡaja kêpoa anḡa imbelenḡ, tec imbelenḡ ḡaja ḡenḡ gêḡ samob, tanḡ Anôtô kêkêḡ nanḡ, ma gesenḡ ḡalêḡ su gêwiḡ. ⁷ ḡamalac têtôm gebe senḡenḡ gêḡ materḡ jalinḡ tokainḡ-tokainḡ nanḡ sêgôm su. Bôc salenḡa to moc ma gêḡ kêgalabḡa to i têtû malô e têtû gêḡ masinḡ. ⁸ Mago ḡamalac tenḡ kêtôm gebe êḡḡôm imbêla êtu gêḡ masinḡ atomanô. ḡenḡ sec tau oleb-olebboa to ḡamalac tamac êduḡa gêḡjam auc. ⁹ Aêac

talambin Apômtau to Tamenji na imbeleŋ ma tapuc boa ŋamalac, taŋ Anôtô kékêŋ kêtôm eŋ tau katu naŋ, na imbeleŋ tageŋ tonan amboac tonanŋeŋ. ¹⁰ Bin lambinŋa to bin tapuc boanŋa kêsa awenŋsun tageŋ. O lasitêwaac, bin amboac tonan êsa atom-anô. ¹¹ Bu ŋaluc to ŋamakic kêpulu kêpi bumata tageŋ me. ¹² O ŋoc lasitêwaac, jambô oc ênam aiŋ me, ma wain oc ênam jambô me. Ma gwêc oc ênam tau ôkwi êtu bu atom amboac tonan.

Kauc undambêŋa

¹³ Asa ŋac tokauc ma ŋac mêtêŋa gêmoa gêwiŋ amac. Eŋ êwaka tau sa ŋa nê lêŋ ŋajam to nê kolen, taŋ gêjam tokauc mêtêŋa ma tonê ŋalêlôm malôgeŋ naŋ. ¹⁴ Mago amac embe anam lêmuŋ lau ŋawaô to asac lau ênêc lêlômgeŋ, naŋ atoc taôm sa ma ansau binŋansaŋ e anseŋ binŋanô tau su atom. ¹⁵ Kauc tonan kêsêp anŋa undambê gêmêŋ atom, kêsa anŋa nom to geŋ nomŋa ma ŋalau sec nêŋ. ¹⁶ Lau taŋ sêjam lêmuŋ tauŋ to sêsac tauŋ naŋ, oc semoa naeo ma sêŋgôm sec tokaiŋ-tokaiŋ. ¹⁷ Mago kauc mêtêŋa, taŋ lau sêkôc anŋa ôŋa naŋ, êŋgôm nêŋ ŋalêlôm ŋawa êsa êtu ŋamata. Go sê wama tauŋ ŋagaôgeŋ, têtû lau malô, taŋeŋ wamu, taêŋ walô lau ênam êsêac auc ma sênam ŋanô ŋajam. Êsêac têtac lulu atom ma sêka nêŋ bin auc atom. ¹⁸ Ŋawê taŋ lau-sê-wamawaga sêsê tobinmalôgeŋ naŋ, ênam ŋanô binŋedeŋ.

4

Tajop tauŋ êndêŋ lêŋ nomŋa

¹ Amac akêŋ kisa gêdêŋ taôm to ajac taôm naŋ ŋam kêsêp asageŋ. Kêsêp gêŋ têtac ŋakalacŋa, taŋ

gêjac siŋ aŋga ôlim ŋagêŋlêlôm nanɣoc. ² Amac matem katu gêŋ, mago atôm gebe atap sa atom, tec ajac ŋamalac êndu. Amac agôm mocsac gêŋ, mago atôm gebe atap sa atom, tec ajac taôm to akêŋ kisa gêdêŋ taôm. Amac akôc gêŋ atom, gebe atenɣ mec atom. ³ Amac atenɣ mec, mago akôc ŋanô atom nec ŋam kêsêp amac atenɣ mec kesonɣa gebe atenɣ gêŋ, taŋ abe êjaiŋ êpi gêŋ têtmac ŋakalacŋagenɣ. ⁴ Mockaiŋ ŋatêna amac. Lau taŋ sê sêlêb gêdêŋ nom naŋ, têtû Anôtônê ŋacjo. Amac ajala biŋ tonanɣ me masi. Tenɣ embe ê sêlêb êndêŋ nom, oc êtu Anôtônê ŋacjo. ⁵ Me biŋ, taŋ teto gêc gebe “Ŋalau taŋ gêŋgôn aêacnêŋ ŋalêlôm naŋ, gêjam lêmunɣ to gêgôm mocsac ŋanô,” amac abe teto biŋ tonanɣ ŋaômagenɣ me. ⁶ Ma moasiŋ, taŋ Anôtô kêkêŋ naŋ, kapôêŋ kêlêlêc. Amboac tonanɣ tec teto gêc gebe “Anôtô kêkônɣ lau, taŋ tetoc taunɣ sa naŋ, ma kêkêŋ moasiŋ gêdêŋ lau, taŋ sêbu taunɣ naŋ.” ⁷ Amboac tonanɣ asô Anôtô ŋalabu. Apuc taôm tôŋ êndêŋ Sadaŋ, go êwi amac siŋ ma êc su. ⁸ Atu gasuc Anôtô, go êtu gasuc amac. Amac lau sec, akwasinɣ lememe êtu seles. Ma amac lau-têtmac-luluwaga, amansaŋ nême ŋalêlôm ŋawa êsa. ⁹ A jala taôm gebe aŋgôn jageo ma nême ŋalêlôm ŋawapac to ataŋ. Amacnême ômac ênam tau ôkwi êtu taŋjiboa ma têtmac ŋajam êtu têtmac ŋawapac. ¹⁰ Ambu taôm êndêŋ Apômtau, go etoc amac sa.

Amêtôc nême lasitêwai atom

¹¹ O lasitêwaac, aŋga biŋ êpi taôm atom. Ŋac taŋ êŋga biŋ êpi lasi me êmêtôc lasi naŋ, êtôm gêga biŋ kêpi biŋsu to kêmêtôc biŋsu. Aôm embe ômêtôc biŋsu, go ôtu ŋac-kêmasaŋbiŋsuwaga atom,

ôtu biñsu ñamêtôcwaga. ¹²Ñac tagen kêtú ñac-kêkêñ-biñsuwaga to mêtôcwaga. Enj kêtôm gebe ênam kêsî me enseñ su. Mago aôm asa, tec kômêtôc ñac wacbañ aômña.

Atôc taôm sa atom

¹³ Ao, amac lau, tañ asôm gebe “Galoc me elen aêac oc tana malac tônê me ônê nadañgôn jala samuc teñ ma tatulu gêñ e ñamone êlêsuc aêacgeñ.”

¹⁴ Amac ajam kauc gêñ, tañ oc êñgôm amac êndên elen nañ. Amac oc amoa matem jali me masî. Amac atôm bu ñawajaô, tañ talic dambêgeñ ma gê su.

¹⁵ Asôm biñ amboac tonec êjô biñ tônê su gebe “Apômtau embe êlôc, go aêac tamoã maten jali ma tanam kôm tonec me tônê.” ¹⁶ Mago galoc alanem taôm to atoc taôm sa. Lanem tokaiñ-tokaiñ amboac tonañ samob sec. ¹⁷ Ñac tañ kêjala êñgôm gêñ ñajamña, mago êñgôm atom, oc êñgôm sec.

5

Lau tolêlôm taêñ ênam tauñ

¹ Ajôc, amac lau tolêlôm, atañ to apuc tañjboa sa êtu gêñwapac, tañ wackêdabiñ amac nañña.

² Amacnêm awa kêtú manê to bulesen geñ nêm ñakwê e lasê-lasêgeñ. ³ Da gênôm amacnêm gold to silber. Ma ñada tau tonañ oc êkic amacnêm biñ e êniñ amac ôlim su êtôm ja geñ gêñ. Amac ajac awa to awa sa gêdên bêc ñamuña tonec.

⁴ Alic acgom, amac agamiñ lau, tañ sêjam amacnêm kôm nañ, nêñ ñaôli, tec ñaôli tau gêmôêc to lau-sejoñ-kôm-ñano-sawaga nêñ tañi jakêsô siñwaga undambêña nêñ Apômtau tañasun. ⁵ Amac amoasiñ taôm toôlim kêpigen amoa nom. Amac añgeñ nêm ñalêlôm e

ɲadambê kêsa ma kêtôm gebe sêɲguɲ amac êndêɲ ɲanoc. ⁶ Amac amêtôc ɲac gêdêɲ to ajac eɲ êndu ma eɲ gêjam tau ɲagêjô gêdêɲ amac atom.

Tapuc tauɲ tôɲ to tateɲ mec

⁷ O lasitêwaac, amboac tonanɲ apuc taôm tôɲman ma êoɲ Apômtau e mênêô lasê. Alic kôm ɲatau acgom, eɲ kêsaê gebe kôm ênam ɲanô ɲajam ma kêpuç tau tôɲ to gêoɲ kom gebe ênac êndêɲ ɲanoc. ⁸ Amac apuc taôm tôɲ amboac tonanɲenɲ ma aôɲ anac seɲenɲ nêɲ ɲalêlôm gebe noc Apômtau mênêô lasêɲa kêdabinɲ. ⁹ O lasitêwaac, anac kapoac taôm e atap mêtôc sa atom. Alicgac me, mêtôcwaga tec mênkêkô katamdêmôê. ¹⁰ O lasitêwaac, aôc ɲandanɲ to apuc taôm tôɲnɲenɲ apuc propete, taɲ sêsôm binɲ sêjam Apômtau lanô nanɲ wanɲenɲ. ¹¹ Alic acgom, aêac awenɲ gêôc êsêac, nanɲ sêôc gêɲwapac totêntac kêpa sugenɲ nanɲ. Amac anô Job gêôc ɲandanɲ totêtac kêpa sugenɲ ɲawae, ma ajala Apômtau gêjac dabinɲ eɲ ɲalêɲgac. Binɲanô, Apômtau eɲ taê walô to taê labu ɲatau.

¹² O lasitêwaac, binɲ tonec ajop êtu ɲamata gebe atôc lememe atom. Atôc lememe êpi undambê to nom me gêɲ ɲagêdô teɲ atomanô. Amac embe asôm gebe “Aec,” nanɲ aêc tonanɲ kêtôm. Me embe asôm gebe “Masi,” nanɲ masi tonanɲ kêtôm amboac tonanɲenɲ. Anɲôm amboac tonanɲ, ec mêtôc êtap amac sa atom.

¹³ Amacnêɲ ɲac teɲ embe gêɲwapac êtap eɲ sa, nanɲ eteɲ mec. Ma teɲ embe têtac ɲajam, nanɲ ênam wê dêbuɲ. ¹⁴ Amacnêɲ teɲ embe gêmace êɲgôm eɲ, nanɲ êkêɲ binɲ gôlôac dabuɲ nêɲ laumata. Êsêac teteɲ mec êpi eɲ to sêniɲ oso eɲ ɲa niptêkwi sênam

Apômtau lanô. ¹⁵ Mec tonan embe tetenj tosêkên êwiŋgenj, go ênam ñac gêmác tau sa. Ma Apômtau oc êsunj enj sa êngôŋ êtiam, ma ñac tau nê sec embe ênêc, oc Apômtau êsuc sec tau ôkwi. ¹⁶ Amboac tonan aoc nê m sec lasê êndênj taôm ma atenj mec êjô tau êtu taômŋa gebe ôlim ñajam êsa. Ñac gêdênj nê mec gêjam ñanô tonac lai. ¹⁷ Elia enj ñamalac kêtôm aêac. Enj ketenj mec gebe kom ênac atom, tec kom gêjac atom kêtôm jala têlêac ma ajôŋ 6. ¹⁸ Go ketenj mec kêtiam ma undambê kêkênj kom e nom gêjam ñanô ñajam.

¹⁹ O lasitêwaac, amacnê m tenj embe eo anja lên biŋŋanôŋa ma tenj embe ênam enj ôkwi êmu êmênj, ²⁰ go ajala gebe ñac, tanj gêjam ñac sec ôkwi anja ênê lên keso nanj, oc ênam ênê katu kêsî anja gêmácânô tau ma êngênduc sec taêsam auc.

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 11 Nov 2022 from source files dated 9 Oct 2020

447e01c5-a375-5452-ae54-b3f890293eeb